



O'ZBEKISTON RESPUBLIKASI VAZIRLAR MAHKAMASINING QARORI

20 23 yil « 28» iyul

№ 319

Toshkent sh.

Харбий мақсадга мўлжалланган маҳсулотлар муомаласи ҳамда бўшатилаётган харбий-техника воситаларини тугатиш ва қайта ишлаш соҳасидаги фаолият турларини лицензиялаш тўғрисидаги низомни тасдиқлаш ҳақида

Ўзбекистон Республикасининг “Лицензиялаш, рухсат бериш ва хабардор қилиш тартиб-таомиллари тўғрисида”ги Қонунига мувофиқ, шунингдек, харбий мақсадга мўлжалланган маҳсулотлар муомаласи ҳамда бўшатилаётган харбий-техника воситаларини тугатиш ва қайта ишлаш соҳасидаги фаолият турларини лицензиялаш тартиб-таомилларини янада такомиллаштириш мақсадида Вазирлар Маҳкамаси **қарор қилади:**

1. Куйидагиларни назарда тутувчи **Харбий мақсадга мўлжалланган маҳсулотлар муомаласи ҳамда бўшатилаётган харбий-техника воситаларини тугатиш ва қайта ишлаш соҳасидаги фаолият турларини лицензиялаш тўғрисидаги низом 1-иловага мувофиқ тасдиқлансин:**

қурол-яроғ ва унинг ўқ-дориларини, ҳимоя воситаларини, харбий техникани, уларнинг эҳтиёт қисмлари, бутловчи қисмлари ва приборларини, агар улардан бошқа тармоқларда фойдаланилмаса, шунингдек, уларни ишлаб чиқариш учун махсус материалларни ва махсус асбоб-ускунани яратиш, ишлаб чиқариш, таъмирлаш ва реализация қилиш соҳасидаги фаолият учун лицензия бериш тартиби;

бўшатилаётган харбий-техника воситаларини тугатиш (йўқ қилиб ташлаш, утилизация қилиш, кўмиб ташлаш) ва қайта ишлаш фаолияти учун лицензия бериш тартиби;

лицензия олиш учун мурожаат қилиш тартиби ҳамда лицензия олиш талаблари ва шартлари;

лицензияловчи орган (Ўзбекистон Республикаси Мудофаа вазирлиги ҳузуридаги Мудофаа sanoati агентлиги) томонидан йигирма иш куни ичида талабгорнинг аризасини кўриб чиқиш ва тегишли қарор қабул қилиш тартиби;

лицензия талабгори ёки лицензиат томонидан лицензияловчи орган ёки унинг мансабдор шахси қарорлари ёхуд ҳаракати (ҳаракатсизлиги) устидан шикоят қилиш ҳамда уни кўриб чиқиш муддатлари, тартиби ва шартлари.

3. Ўзбекистон Республикаси Ҳукуматининг 2-иловага мувофиқ айрим қарорлари ўз кучини йўқотган деб ҳисоблансин.

4. Мазкур қарорнинг бажарилишини назорат қилиш Ўзбекистон Республикаси муҳофаа вазири Б.Н. Курбанов зиммасига юклансин.

**Ўзбекистон Республикасининг
Бош вазири**



А. Арипов

Вазирлар Маҳкамасининг
2023 йил “28” ИЮЛ даги 319-сон қарорига
1-илова

**Ҳарбий мақсадга мўлжалланган маҳсулотлар муомаласи ҳамда
бўшатилаётган ҳарбий-техника воситаларини тугатиш ва қайта ишлаш
соҳасидаги фаолият турларини лицензиялаш тўғрисида
НИЗОМ**

1-боб. Умумий қоидалар

1. Ушбу Низом қурол-яроғ ва унинг ўқ-дориларини, химоя воситаларини, ҳарбий техникани, уларнинг эҳтиёт қисмлари, бутловчи қисмлари ва приборларини, агар улардан бошқа тармоқларда фойдаланилмаса, шунингдек, уларни ишлаб чиқариш учун махсус материалларни ва махсус асбоб-ускунани яратиш, ишлаб чиқариш, таъмирлаш ва реализация қилиш соҳасидаги фаолият ҳамда бўшатилаётган ҳарбий-техника воситаларини тугатиш (йўқ қилиб ташлаш, утилизация қилиш, кўмиб ташлаш) (кейинги ўринларда – бўшатилаётган ҳарбий-техника воситаларини тугатиш) ва қайта ишлаш фаолиятини лицензиялаш тартибини белгилайди.

2. Ушбу Низомда қуйидаги асосий тушунчалар қўлланилади:

лицензия – юридик шахснинг ҳарбий мақсадга мўлжалланган маҳсулотлар муомаласи ёки бўшатилаётган ҳарбий-техника воситаларини тугатиш ва қайта ишлаш соҳасидаги фаолиятни амалга оширишга бўлган ҳуқуқини тасдиқловчи, чекланмаган муддатга бериладиган ҳужжат;

лицензиялаш – лицензия олиш тўғрисидаги аризани топшириш, қабул қилиш ва кўриб чиқиш, лицензияни бериш, амал қилишини тўхтатиб туриш, қайта тиклаш, шунингдек, лицензияни тугатиш, қайта расмийлаштириш ва ўзгартириш ҳамда унинг дубликатини бериш жараёни билан боғлиқ тартиб-таомиллар мажмуи;

лицензияловчи орган – Ўзбекистон Республикаси Мудофаа вазирлиги ҳузуридаги Мудофаа саноати агентлиги;

лицензиат – тегишли фаолиятни амалга ошириш учун лицензияга эга бўлган юридик шахс;

махсус ускуна – ҳарбий мақсадга мўлжалланган маҳсулотни ишлаб чиқиш, ишлаб чиқариш, таъмирлаш, тугатиш ва қайта ишлашда ўзига хос (ностандарт) технологик операцияларни бажариш учун ишлатиладиган машиналар, дастгоҳлар ва агрегатлар;

қурол – тузилишига кўра жонли нишон ёки бошқа нишонни уриш, сигналлар бериш учун мўлжалланган қурилмалар ва ашёлар;

қурол-яроғ – қурол-яроғ ва уни қўллашни таъминловчи техник воситалар ҳамда ўқ-дорилар жамланмаси;

қурол-яроғ, ўқ-дорилар, химоя воситалари, ҳарбий техниканинг эҳтиёт қисмлари, бутловчи қисмлари ва приборлари – катта (таркибий) буюмнинг таркибий қисмлари ва деталлари, шунингдек, уни эксплуатация қилиш учун керак бўладиган қисмлари ва деталлари, уларни таъмирлаш (буюмнинг соз ва ишлашга лаёқатли ҳолатини сақлаш ёки қайта тиклаш) мақсадида фойдаланиладиган шундай қисмини алмаштириш учун мўлжалланган қисмлар, деталлар;

талабгор – лицензияни олиш учун мурожаат қилган юридик шахс;

ўқ-дорилар – қуролнинг жонли нишон ёки бошқа нишонни уриш учун мўлжалланган ҳамда таркибида портловчи, порохли, улоқтирувчи, пиротехник ёки уриб чиқарадиган моддалар ёхуд уларнинг бирикмаси мавжуд бўлган ашёлари, шу жумладан, улоқтириладиган ашёлари;

ҳарбий мақсадга мўлжалланган маҳсулот – қурол-яроғ, ўқ-дорилар, химоя воситалари, ҳарбий ва махсус техникалар, уларнинг бошқа саноат тармоқларида фойдаланилмайдиган эҳтиёт қисмлари, бутловчи қисмлари, приборлари, шунингдек, уларни ишлаб чиқариш учун махсус материаллар, махсус асбоб-ускуналар ҳамда интеллектуал мулк ҳуқуқи объектлари;

ҳарбий мақсадга мўлжалланган маҳсулотни ишлаб чиқариш учун махсус материаллар – ҳарбий мақсадга мўлжаллаб ишлаб чиқариладиган маҳсулотдан қатъи назар, қўйиладиган алоҳида талабларга мос келадиган материаллар;

ҳарбий мақсадга мўлжалланган маҳсулотни қайта ишлаш – ҳарбий мақсадга мўлжалланган маҳсулотни унинг эксплуатация муддати тугагандан сўнг саноат йўли билан қайта ишлаш ва (ёки) шундай маҳсулотдан олинган хомашё, моддалар ва материаллардан такрорий фойдаланиш орқали ишлатиш;

ҳарбий техника – жанговар ҳаракатларни амалга ошириш ва таъминлаш, қўшинларни ўқитиш ҳамда уларнинг белгиланган мақсадда фойдаланишга тайёрлик даражасини таъминлаш учун мўлжалланган техника;

ҳарбий-техника воситалари – қуролли кучларнинг жанговар ҳаракатларини ва доимий фаолиятини таъминлайдиган техник воситалар;

ҳарбий мақсадга мўлжалланган маҳсулотни тугатиш (йўқ қилиш) – ҳарбий мақсадга мўлжалланган ва бугунги шароитда атроф-муҳит ва аҳоли учун бартараф этиб бўлмайдиган хавф туғдирадиган маҳсулотни у буткул йўқ қилингунича қайта ишлаш;

химоя воситалари – инсонни ва ҳарбий техникани совуқ, ўқ отар қуролнинг физик таъсиридан, шунингдек, парчалардан химоя қилиш учун фойдаланиладиган воситалар.

3. Мазкур Низомга мувофиқ куйидаги фаолият турлари лицензияланади:

қурол-яроғ ва унинг ўқ-дориларини, химоя воситаларини, ҳарбий техникани, уларнинг эҳтиёт қисмлари, бутловчи қисмлари ва приборларини, агар улардан бошқа тармоқларда фойдаланилмаса, шунингдек, уларни ишлаб

чиқариш учун махсус материалларни ва махсус асбоб-ускунани яратиш, ишлаб чиқариш, таъмирлаш ва реализация қилиш;

бўшатилаётган ҳарбий-техника воситаларини тугатиш ва қайта ишлаш.

4. Ҳарбий мақсадга мўлжалланган маҳсулотни яратиш, ишлаб чиқариш, таъмирлаш ва реализация қилиш соҳасидаги фаолият ҳамда бўшатилаётган ҳарбий-техника воситаларини тугатиш ва қайта ишлаш фаолияти Ўзбекистон Республикаси ҳудудида рўйхатдан ўтган юридик шахслар томонидан белгиланган тартибда амалга оширилади.

5. Ҳарбий мақсадга мўлжалланган маҳсулотни яратиш, ишлаб чиқариш, таъмирлаш ва реализация қилиш соҳасидаги фаолиятни ҳамда бўшатилаётган ҳарбий-техника воситаларини тугатиш ва қайта ишлаш фаолиятини лицензиялаш ушбу Низомга 1-иловадаги схемага мувофиқ амалга оширилади.

6. Ўзбекистон Республикаси Президенти ёки Вазирлар Маҳкамасининг қарорлари билан ташкил этилган давлат муассасалари мазкур Низомнинг 3-бандида назарда тутилган фаолиятнинг лицензияланадиган турларини Ўзбекистон Республикаси Президенти ёхуд Вазирлар Маҳкамаси қарорларида кўзда тутилган фаолият турларини амалга ошириш шарти билан тегишли лицензия олмасдан амалга ошириш ҳуқуқига эга ҳисобланади.

7. Ҳарбий мақсадга мўлжалланган маҳсулотни яратиш, ишлаб чиқариш, таъмирлаш ва реализация қилиш соҳасидаги фаолиятни ҳамда бўшатилаётган ҳарбий-техника воситаларини тугатиш ва қайта ишлаш фаолияти учун лицензия давлат сирларини ёки қонунчиликка мувофиқ фойдаланилиши чекланган ахборотни ўз ичига олган лицензия ҳисобланади.

8. Лицензияни бериш, беришни рад қилиш, унинг амал қилиш муддатини узайтириш, қайта расмийлаштириш, ўн кунгача муддатга тўхтатиб туриш, қайта тиклаш, шунингдек, лицензияни ўзгартириш тўғрисидаги қарорлар Ўзбекистон Республикаси Мудофаа вазирлиги ҳузуридаги Мудофаа саноати агентлиги томонидан ушбу Низомнинг 4 ва 5-бобларида белгиланган тартибда қабул қилинади.

Ўзбекистон Республикаси Мудофаа вазирлиги ҳузуридаги Мудофаа саноати агентлигининг эксперт комиссияси (кейинги ўринларда – ишчи орган) лицензиялар бериш тўғрисидаги ҳужжатларни кўриб чиқади ва улар бўйича хулосалар тайёрлайди.

9. Лицензия ушбу Низомга 2-иловага мувофиқ шаклда берилади. Бунда талабгорнинг аризасига биноан лицензия лицензияланадиган фаолият турининг кичик турига ёки ушбу Низомнинг 3-бандида қайд этилган барча фаолият турлари учун берилиши мумкин.

10. Лицензия лицензияловчи орган томонидан чекланмаган муддатга берилади.

11. Лицензия талаблари ҳамда шартлари мазкур Низомга 3 ва 4-иловалардаги паспортларнинг 9-позициясига мувофиқ белгиланади.

2-боб. Лицензия олиш учун тақдим этиладиган ҳужжатлар

12. Талабгор лицензия олиш учун мазкур Низомга 3 ва 4-иловалардаги паспортларнинг 5-позициясида белгиланган ҳужжатларни тақдим этади.

Талабгордан ушбу Низомга 3 ва 4-иловалардаги паспортларнинг 5-позициясида кўрсатилган ҳужжатлардан бошқа ҳужжатларни талаб қилиш тақиқланади.

13. Лицензияловчи органга талабгор томонидан ҳужжатлар бевосита, Давлат фелдъегерлик хизмати ёки республика махсус алоқа тармоғи орқали тақдим этилади.

14. Лицензияловчи органга ариза ва унга илова қилинган ҳужжатлар ушбу Низомнинг 13-бандида назарда тутилган тартибда келиб тушган вақтдан бошлаб рўйхатга олинган деб ҳисобланади.

3-боб. Аризани кўриб чиқиш ва лицензия бериш ёки беришни рад этиш тўғрисида қарор қабул қилиш

15. Лицензияловчи орган томонидан талабгорнинг аризасини кўриб чиқиш учун ушбу Низомга 3 ва 4-иловалардаги паспортларнинг 6-позициясида белгиланган миқдорда йиғим ундирилади.

16. Талабгорнинг аризасини кўриб чиқиш учун йиғим суммаси лицензияловчи орган ҳисобварағига Мудофаа саноати комплексини ривожлантириш жамғармасини шакллантириш манбаларидан бири сифатида ўтказилади.

Талабгор берилган аризадан воз кечганда ёки лицензияловчи орган талабгорга лицензия беришни рад этган тақдирда, тўланган йиғим суммаси қайтарилмайди.

17. Талабгорнинг аризаси барча зарур ҳужжатлар билан бирга улар қабул қилиб олинган кундан эътиборан лицензияловчи органга кўриб чиқиш учун киритилади.

Ишчи орган тақдим этилган ҳужжатларни ўн беш иш кунидан ошмайдиган муддатда кўриб чиқади ва улар бўйича лицензияни бериш ёки беришни рад этиш тўғрисида хулоса тақдим этилади.

Лицензияловчи орган беш иш кунда ишчи орган хулосаси асосида лицензияни бериш ёки беришни рад этиш тўғрисида қарор қабул қилади.

Лицензияловчи орган талабгорнинг лицензия талаблари ва шартларига мос келишини аниқлаш учун ўз маблағлари ҳисобидан:

талабгорнинг лицензияладиган фаолият турини амалга ошириш учун талаб этиладиган шароитларини жойига бориб аниқлайди;

ишлаб чиқариладиган маҳсулотнинг (кўрсатиладиган хизматлар ва бажариладиган ишлар) техник жиҳатдан тартибга солиш соҳасидаги норматив ҳужжатларга мувофиқлигини белгиланган тартибда баҳолашни ташкил этади;

тегишли хулосалар тайёрлаш учун шартнома асосида экспертларни жалб қилади.

18. Лицензияловчи орган лицензия бериш тўғрисидаги қарор қабул қилингандан сўнг бир иш куни ичида банк ҳисобварағи реквизитлари ва давлат божини тўлаш муддатини кўрсатган ҳолда, талабгорни ёзма шаклда хабардор қилади.

19. Лицензия қатъий ҳисобда турадиган, ҳисобга олиш сериясига, рақамига ва ҳимояланганлик даражасига эга махсус бланкларда расмийлаштиради.

20. Лицензиялар талабгор томонидан давлат божи тўланганидан сўнг расмийлаштирилади ва берилади.

Расмийлаштирилган лицензиялар лицензияловчи орган раҳбари томонидан имзоланади. Ушбу Низомнинг 8-бобида белгиланган тартибда лицензиялар реестрига тегишли ёзувлар киритилади.

21. Лицензия беришни рад этишга қуйидагилар асос бўлиши мумкин:

талабгор томонидан лицензия бериш учун зарур ҳужжатларнинг тўлиқ тақдим этмаслиги;

талабгорнинг лицензия талаблари ва шартларига номувофиклиги;

талабгор томонидан тақдим этилган ҳужжатларда сохта, ёлғон ёки нотўғри, шунингдек, ноаниқ маълумотлар кўрсатилганлиги;

ҳарбий мақсадга мўлжалланган маҳсулотни яратиш, ишлаб чиқариш, таъмирлаш ва реализация қилиш соҳасидаги фаолият турларини ҳамда бўшатилаётган ҳарбий-техника воситаларини тугатиш ва қайта ишлаш фаолиятига тааллуқли қисмлар, шу жумладан, тақлиф қилинган экспертлар томонидан ўтказилган ўрганишлар, тадқиқотлар, текширишлар ёки бошқа илмий ҳамда техник баҳолашларнинг яқунлари бўйича салбий хулоса берилганлиги.

22. Лицензияни беришни мақсадга мувофиқ эмас деган сабаблар билан ёхуд бошқа асосларга кўра, шу жумладан, қуйидаги ҳолларда рад этишга йўл қўйилмайди:

ходимларнинг касбий малакаси лицензияланадиган фаолият турини амалга ошириш учун ишлаб чиқариш технологияси бўйича талабларга мувофиқ бўлмаганда;

тақдим этилган ҳужжатлар ва маълумотлар қонунчилик ҳужжатлари талабларига номувофиқ бўлганда;

лицензия талабларига ва шартларига мувофиқ фойдаланиладиган бино ва иншоотлар санитария-эпидемиологик ҳамда ёнғин хавфсизлиги талабларига мувофиқ бўлмаганда.

Талабгор лицензияловчи органнинг лицензия беришни рад этиш тўғрисидаги қарори, шунингдек, лицензияловчи орган мансабдор шахсининг ҳаракатлари (ҳаракатсизлиги) юзасидан қонунчилик ҳужжатларида белгиланган тартибда шикоят қилишга ҳақли.

23. Ушбу Низом 21-бандининг иккинчи хатбошиси ва 22-бандининг иккинчи, учинчи ва тўртинчи хатбошиларида кўрсатилган ҳолатлар аниқланганда, агар аризада бартараф этиш мумкин бўлган камчиликлар мавжуд бўлса, лицензияловчи орган уларни бартараф этиш учун талабгорга муддат беради. Камчиликларни бартараф этиш зарурлиги тўғрисидаги хабарнома лицензияловчи орган томонидан талабгорга бир иш куни ичида юборилади.

24. Хабарнома тақдим этилган ҳужжатларда аниқланган камчиликлар ҳамда уларни бартараф этиш усуллари, шунингдек, талабгор кўрсатилган сабабларни бартараф қилиб, тегишли ҳужжатларни кўриб чиқиш учун такроран тақдим этиши мумкин бўлган муддат кўрсатилган ҳолда юборилади. Хабарномада кўрсатилган муддат камчиликларни бартараф этиш учун зарур бўладиган вақтга мутаносиб бўлиши, лекин ушбу муддат ўттиз иш кунидан ортиқ бўлмаслиги керак.

25. Хабарнома юборилган кундан бошлаб, лицензияни бериш тўғрисидаги аризани кўриб чиқиш муддати тўхтатиб турилади.

26. Ҳужжатлар хабарномада кўрсатилган камчиликларни бартараф этмасдан ёки хабарномада кўрсатилган муддат ўтгандан кейин такроран тақдим этилган тақдирда, лицензияловчи орган лицензияни беришни рад этиш ҳақида қарор қабул қилишга ҳақли. Бунда лицензияни беришни камчиликларни бартараф этиш тўғрисидаги хабарномада кўрсатилмаган янги асослар бўйича рад этишга йўл қўйилмайди.

27. Лицензияни бериш рад этилганлиги ҳақидаги хабарнома талабгорга рад этиш сабаблари ва талабгор мазкур сабабларни бартараф этиб, ҳужжатларни такроран кўриб чиқиш учун тақдим этиши мумкин бўлган муддат кўрсатилган ҳолда ёзма шаклда юборилади.

Талабгор рад этиш сабабларини бартараф этишга ва ҳужжатларни такроран кўриб чиқиш учун тақдим этишга ҳақли бўлган муддат лицензияни бериш рад этилганлиги ҳақидаги хабарнома олинган кундан эътиборан ўн иш кунидан кам, лекин ўттиз иш кунидан кўп бўлмаслиги керак.

28. Талабгор лицензияни бериш рад этилиши учун асос бўлган сабабларни белгиланган муддатда бартараф этган тақдирда, ҳужжатларни такроран кўриб чиқиш, лицензия бериш ёхуд беришни рад этиш талабгорнинг рад этиш сабаблари бартараф этилганлиги тўғрисидаги аризаси ва рад этиш сабаблари бартараф этилганлигини тасдиқловчи тегишли ҳужжатлар олинган кундан эътиборан беш иш куни ичида лицензияловчи орган томонидан амалга оширилади. Талабгорнинг аризасини такроран кўриб чиққанлик учун йиғим ундирилмайди.

Ишчи орган тақдим этилган ҳужжатларни уч иш кунидан кўп бўлмаган муддатда қайта кўриб чиқади ва улар бўйича лицензия бериш ёки беришни рад этиш тўғрисида эксперт хулосасини тайёрлайди.

Лицензияловчи орган ишчи орган хулосалари асосида икки иш куни мобайнида лицензия бериш ёки беришни рад этиш тўғрисида қарор қабул қилади.

29. Талабгорнинг аризасини қайта кўриб чиқишда илгари лицензия беришни рад этиш тўғрисидаги хабарномада кўрсатилмаган янги асослар бўйича лицензия беришни рад этишга йўл қўйилмайди.

30. Талабгорнинг лицензия бериш рад этилганлиги тўғрисидаги хабарномада кўрсатилган муддат ўтгандан кейин тақдим этилган аризаси янгидан берилган ариза ҳисобланади ва лицензияловчи орган томонидан умумий асосларда кўриб чиқилади.

31. Агар лицензияловчи орган талабгорнинг аризасини кўриб чиқиш, уни бериш ёки беришни рад этиш муддати мобайнида талабгорга лицензияни бермаса ва уни беришни рад этмаса, ушбу Низомнинг 17-бандида тутилган муддатлар ўтгандан кейин талабгор амалга оширилиши учун лицензия олиш ниятида бўлган фаолиятни (ҳаракатни) амалга ошириш ҳуқуқига, бу ҳақда лицензияловчи органни ёзма шаклда хабардор қилган ҳолда, эга бўлади.

32. Ушбу Низомнинг 31-бандида назарда тутилган ҳолда талабгор белгиланган давлат божини ёки йиғимни тўлаганидан кейин унга лицензия берилади. Бунда талабгор лицензиясиз фаолият билан шуғулланганлик учун жавобгарликка тортилиши мумкин эмас ҳамда лицензияловчи органлар эҳтимол тутилган барча оқибатлар учун жавобгар бўлади.

4-боб. Лицензияни қайта расмийлаштириш, ўзгартириш ва унинг дубликатини бериш

33. Қуйидаги ҳолатларда лицензия қайта расмийлаштирилади:

лицензиат қайта ташкил этилганда, унинг номи ёки жойлашган ери (почта манзили) фаолият турлари бўйича ўзгарганда;

янги ташкил этилган юридик шахс давлат рўйхатидан ўтказилган санада бир хил турдаги лицензияланган фаолиятни амалга ошириш лицензиясига эга бўлган лицензиатлар қўшилганда;

фаолиятнинг лицензияланадиган кичик тури учун лицензиянинг амал қилиш муддати тугатилганда ёки бир неча фаолият турлари бирлаштирилганда.

Лицензиат ёки унинг ҳуқуқий вориси қайд этилган ўзгаришлар мавжуд бўлганда, лицензияловчи органга лицензияни қайта расмийлаштириш тўғрисида кўрсатилган маълумотларни тасдиқловчи тегишли ҳужжатлар илова қилинган аризани ўзгаришлардан сўнг беш иш куни ичида тақдим этиши шарт.

Талабгор томонидан ҳужжатлар лицензияловчи органга бевосита, Давлат фелдъегерлик хизмати ёки республика махсус алоқа тармоғи орқали тақдим этилади.

34. Лицензиат лицензия қайта расмийлаштирилгунга қадар унда кўрсатилган фаолиятни лицензияни қайта расмийлаштириш тўғрисида берилган ариза асосида амалга оширади.

Лицензияни қайта расмийлаштиришда лицензияловчи орган лицензиялар реестрига тегишли ўзгартиришлар киритади. Лицензия лицензияловчи орган томонидан лицензияларни қайта расмийлаштириш тўғрисида тегишли ҳужжатлар илова қилинган ариза олинган кундан бошлаб беш иш куни ичида қайта расмийлаштиради.

35. Лицензияни қайта расмийлаштиришда лицензия бериш тўғрисидаги ариза кўриб чиқилганлиги учун тўланадиган сумманинг эллик фоизи миқдорида йиғим ундирилади. Йиғим суммаси лицензияловчи орган ҳисобварағига Мудофаа саноати комплексини ривожлантириш жамғармасини шакллантириш манбаларидан бири сифатида ўтказилади.

36. Йўқолган ёки яроқсиз ҳолга келган лицензия ўрнига лицензиатнинг аризасига кўра унинг дубликати берилиши мумкин.

Дубликатни беришда лицензияловчи орган томонидан “ДУБЛИКАТ” белгиси қўйилган янги лицензия берилади.

37. Лицензия дубликатини тўғридан-тўғри беришда базавий ҳисоблаш миқдорининг 10 фоизи миқдорида йиғим ундирилиб, лицензияловчи орган ҳисобварағига ўтказилади.

38. Лицензияни ўзгартириш Ўзбекистон Республикасининг “Лицензиялаш, рухсат бериш ва хабардор қилиш тартиб-таомиллари тўғрисида”ги Қонунининг 31-моддасида келтирилган ҳолатлар ва тартибда амалга оширилади.

5-боб. Лицензиянинг амал қилишини тўхтатиб туриш, тугатиш ва бекор қилиш

39. Лицензиянинг амал қилишини тўхтатиб туриш, уни тугатиш ва бекор қилиш Ўзбекистон Республикасининг “Лицензиялаш, рухсат бериш ва хабардор қилиш тартиб-таомиллари тўғрисида”ги Қонунининг мос равишда 32–34-моддаларида белгиланган тартибда амалга оширилади.

40. Лицензияловчи органнинг лицензиянинг амал қилишини тўхтатиб туриш ҳақидаги қарори устидан судга шикоят берилиши мумкин.

Суд томонидан лицензияловчи органнинг қарори асоссиз деб топилганда, лицензияловчи орган лицензиат олдида у кўрган зарар миқдорида жавобгар бўлади.

6-боб. Лицензия талаблари ва шартларига риоя этилиши устидан давлат назорати

41. Лицензиатларнинг фаолияти лицензияловчи орган томонидан назорат қилинади.

Лицензия талаблари ва шартларига риоя этилиши устидан давлат назоратини амалга оширишда лицензияловчи орган ўз ваколатлари доирасида қуйидаги ҳуқуқларга эга:

Ўзбекистон Республикаси Президенти ҳузуридаги Тадбиркорлик субъектларининг ҳуқуқлари ва қонуний манфаатларини ҳимоя қилиш бўйича вакил билан келишилган, қонунчиликда белгиланган тартибда жойига чиққан ҳолда, лицензия талаблари ва шартларига лицензиатнинг риоя этиши юзасидан текширув ўтказиш;

лицензия, талаблари ва шартларига риоя этилиши юзасидан текширувлар ўтказилаётганда, юзага келадиган масалалар бўйича лицензиатдан зарур ахборотни сўраш ва олиш;

текширувлар натижалари асосида лицензиатлар йўл қўйган лицензия талаблари ва шартларига доир қоидабузарликларни кўрсатган ҳолда, далолатномалар тузиш;

лицензиатлар зиммасига аниқланган қоидабузарликларни бартараф этиш мажбуриятини юкловчи қарорлар чиқариш ва бартараф этиш муддатларини белгилаш;

лицензиянинг амал қилишини тўхтатиб туриш ёхуд уни бекор қилиш тўғрисидаги ариза билан судга мурожаат қилиш;

Ўзбекистон Республикасининг “Лицензиялаш, рухсат бериш ва хабардор қилиш тартиб-таомиллари тўғрисида”ги Қонунига мувофиқ лицензиялаш соҳасидаги ҳуқуқбузарликлар учун юридик шахсларга жарима солиш тўғрисида судга ариза бериш;

лицензиялаш соҳасидаги ваколатларни амалга ошириш учун судга давлат божи тўламасдан аризалар бериш.

42. Лицензияловчи орган жисмоний ва юридик шахслар томонидан лицензиясиз фаолият билан шуғулланиш ҳолатларини аниқлаш учун белгиланган тартибда назорат тадбирларини ўтказишга ҳақли.

Бунда лицензияловчи орган томонидан фақат тегишли фаолият турларини амалга ошириш ҳуқуқини тасдиқловчи ҳужжатлар мавжудлиги текширилади. Бошқа ҳужжатларни талаб қилиш тақиқланади. Назоратни амалга ошириш билан боғлиқ ҳолда тадбиркорлик субъектларини текшириш Ўзбекистон Республикаси Президенти ҳузуридаги Тадбиркорлик субъектларининг ҳуқуқлари ва қонуний манфаатларини ҳимоя қилиш бўйича вакил билан белгиланган тартибда келишилган ҳолда амалга оширилади.

43. Лицензия талаблари ва шартларига риоя этилишини текширишда лицензияловчи органнинг текширувчи ходимлари томонидан икки нусхада далолатнома тузилиб, бир нусхаси лицензиатга берилади, иккинчиси нусхаси лицензияловчи органда қолади.

44. Лицензия талаблари ва шартларига риоя этилиши устидан давлат назорати қуйидаги шаклларда амалга оширилади:

лицензия талаблари ва шартларига риоя этилиши устидан масофавий назорат;

лицензия талаблари ва шартларига риоя этилишини асослар мавжуд бўлганда жойига чиққан ҳолда текшириш;

лицензиатларнинг фаолияти билан боғлиқ статистик ахборотни ҳамда улардан сўраб олинadиган маълумотларни таҳлил қилиш.

Ушбу банднинг биринчи қисми иккинчи ва учинчи хатбошиларида назарда тутилган назорат шакллари Ўзбекистон Республикасининг “Лицензиялаш, рухсат бериш ва хабардор қилиш тартиб-таомиллари тўғрисида”ги Қонунининг 50–51-моддаларига мувофиқ амалга оширилади.

Ушбу банднинг биринчи қисми тўртинчи хатбошида назарда тутилган ҳолларда лицензияловчи орган томонидан лицензия талаблари ва шартлари билан боғлиқ бўлмаган маълумотларни таҳлил қилиш, текшириш ва талабгордан сўраш тақиқланади.

Лицензия эгаларининг фаолиятини назорат қилиш тадбирларини амалга оширишда лицензияловчи орган томонидан фаолият турларини лицензиялаш паспортида назарда тутилмаган талаб ва шартларнинг бажарилишини текшириш ёки талаб қилиш тақиқланади.

7-боб. Лицензиялаш соҳасида ҳуқуқбузарликлар бўйича жавобгарлик асослари

45. Лицензиялаш тартиб-таомиллари соҳасидаги қуйидаги ҳуқуқбузарликларни содир этилганлик учун юридик шахсларга жарималар солинади:

фаолият билан лицензиясиз шуғулланиш;

лицензияни қалбаки ҳужжатлардан фойдаланган ҳолда олиш.

46. Жарималар лицензияловчи орган томонидан Ўзбекистон Республикасининг “Лицензиялаш, рухсат бериш ва хабардор қилиш тартиб-таомиллари тўғрисида”ги Қонунининг 52–57-моддаларига асосан қўлланилади.

8-боб. Лицензиялар реестри

47. Лицензиялар реестри лицензияловчи орган томонидан фаолиятнинг ҳар бир тури бўйича алоҳида босма шаклда берилган лицензияларни ҳисобга олиш китобида юритилади.

48. Лицензиялар реестрида қуйидагилар кўрсатилади:

ташкилотнинг номи, жойлашиш ери (почта манзили), солиқ тўловчининг идентификация рақами;

лицензиялаш талаб этиладиган фаолият (ҳаракатлар) турларини амалга оширувчи филиаллар тўғрисидаги ахборот;

берилган лицензияларнинг, рухсат этиш хусусиятига эга хужжатлар ва хабарномаларнинг санаси ва тартиб рақамлари;

амалга оширилиши учун лицензия талаб қилинадиган фаолият (ҳаракатлар) тури (кичик тури);

лицензияларни қайта расмийлаштириш, уларнинг дубликатини бериш ва амал қилишини узайтириш, тўхтатиб туриш, қайта тиклаш, тугатиш, уларни бекор қилиш асослари ҳамда саналари;

лицензияларга ўзгартишлар киритиш асослари ҳамда саналари.

49. Лицензиялар реестри лицензиатларнинг давлат томонидан ҳисобга олинишини таъминлаш, шунингдек, лицензия талаблари ҳамда шартларига мазкур шахслар томонидан риоя этилиши устидан давлат назоратини амалга ошириш мақсадида юритилади.

50. Лицензиялар реестрини доимий юритиш ҳамда уларга тегишли ўзгартишлар киритиш лицензияловчи органга юклатилади.

9-боб. Лицензия берганлик учун ундириладиган давлат божи

51. Ҳарбий мақсадга мўлжалланган маҳсулотни яратиш, ишлаб чиқариш, таъмирлаш ва реализация қилиш соҳасидаги фаолиятни ҳамда бўшатилаётган ҳарбий-техника воситаларини тугатиш ва қайта ишлаш фаолиятини амалга ошириш учун лицензия берилганлиги ва унга ўзгартиришлар киритилганлиги учун Ўзбекистон Республикасининг “Давлат божи тўғрисида”ги Қонунида белгиланган миқдорда давлат божи ундирилади.

52. Тўланган давлат божи миқдорининг 10 фоизи лицензияловчи орган ҳисобварағига Мудофаа саноати комплексини ривожлантириш жамғармасини шакллантириш манбаларидан бири сифатида ўтказилади. Давлат божининг қолган қисми Ўзбекистон Республикаси республика бюджетига йўналтирилади.

53. Талабгор хабарнома юборилган кундан бошлаб ўттиз кундан ортиқ бўлмаган муддатда давлат божи тўловини амалга оширади.

Лицензияни бериш учун давлат божи тўлови белгиланган муддатда амалга оширилмаслиги ваколатли орган томонидан лицензияни бериш тўғрисидаги қарорни бекор қилиниши учун асос бўлади.

10-боб. Яқунловчи қоидалар

54. Юридик шахс лицензия олиш учун, лицензиат лицензия талаб ва шартларининг бажарилганлиги юзасидан лицензияловчи органга сохта, ёлғон ёки нотўғри маълумотлар берганлиги учун қонунчилик ҳужжатларида белгиланган тартибда жавоб беради.

55. Ушбу Низом талаблари бузилишида айбдор бўлган шахслар қонунчилик ҳужжатларида белгиланган тартибда жавоб берадилар.

Ҳарбий мақсадга мўлжалланган маҳсулотлар муомаласи
ҳамда бўшатилаётган ҳарбий-техника воситаларини тугатиш
ва қайта ишлаш соҳасидаги фаолият турларини
лицензиялаш тўғрисидаги низомга
1-илова

**Ҳарбий мақсадга мўлжалланган маҳсулотлар муомаласи ҳамда
бўшатилаётган ҳарбий-техника воситаларини тугатиш ва қайта
ишлаш соҳасидаги фаолият турларини лицензиялаш
СХЕМАСИ**

Босқичлар	Субъектлар	Тадбирлар	Муддатлар
1-босқич	Талабгор (юридик шахс)	1. Лицензия олиш учун зарур ҳужжатларни тайёрлайди. 2. Ҳужжатларни кўриб чиқиш учун йигим тўлайди. 3. Ҳужжатларни бевосита, Давлат фелдъегерлик хизмати ёки республика махсус алоқа тармоғи орқали Мудофаа саноати агентлигига тақдим этади.	Хоҳишига кўра
2-босқич	Мудофаати саноати агентлиги эксперт комиссияси (ишчи орган)	1. Ҳужжатларни кўриб чиқади, лицензия бериш ёки беришни рад этиш ҳақида эксперт хулосасини тайёрлайди. 2. Ҳужжатларда камчиликлар аниқланса, уларни бартараф этиш тўғрисида талабгорга хабарнома юборади. 3. Талабгор лицензия беришни рад этишга асос бўлган сабабларни бартараф этгандан сўнг тақдим этилган ҳужжатларни кўриб чиқади ва эксперт хулосасини тайёрлайди.	15 иш кунида 1 иш кунида Ҳужжатлар қайта тақдим этилгандан сўнг 3 иш кунида
3-босқич	Мудофаати саноати агентлиги (лицензияловчи орган)	1. Ишчи органнинг хулосасига кўра лицензия бериш ёки беришни рад этиш ҳақида қарор қабул қилади. 2. Талабгорни қабул қилинган қарор ҳақида ёзма шаклда хабардор қилади.	Хулоса берилгандан сўнг 5 иш кунида (ҳужжатлар қайта киритилганда 2 иш кунида) Қарор қабул қилингандан сўнг 1 иш кунида
4-босқич	Талабгор	Лицензия олиш учун давлат божини тўлайди ва лицензияловчи органни хабардор қилади.	Ўттиз кун ичида
5-босқич	Лицензияловчи орган	1. Талабгорга лицензияни топширади. 2. Лицензия берилганлиги тўғрисида реестрга ёзув киритади.	Давлат божи тўлангандан сўнг

Харбий мақсадга мўлжалланган маҳсулотлар муомаласи
ҳамда бўшатилаётган ҳарбий-техника воситаларини тугатиш
ва қайта ишлаш соҳасидаги фаолият турларини
лицензиялаш тўғрисидаги низомга
2-илова

**O‘ZBEKISTON RESPUBLIKASI MUDOFAA VAZIRLIGI
HUZURIDAGI MUDOFAA SANOATI AGENTLIGI**

**(NAMUNA)
L I T S E N Z I Y A**

Ro‘yxat bo‘yicha № _____ 20__ yil “ ____ ” _____

Quyidagi faoliyt turlarini amalga oshirish huquqi beriladi:

Berildi _____

(tashkilotning nomlanishi)

Tashkilotning rekvizitlari _____

Litsenziyaning amal qilish muddati _____

Litsenziya qayta rasmiylashtirildi _____

(qayta rasmiylashtirishga asos)

Litsenziya o‘zgartirildi _____

(o‘zgartirishga asos)

**O‘zbekiston Respublikasi
Mudofaa vazirligi huzuridagi Mudofaa sanoati agenligi direktori**

(Imzo)

(F.I.O)

M.O‘.

Ҳарбий мақсадга мўлжалланган маҳсулотлар муомаласи
ҳамда бўшатилаётган ҳарбий-техника воситаларини тугатиш
ва қайта ишлаш соҳасидаги фаолият турларини
лицензиялаш тўғрисидаги низомга
3-илова

**Ҳарбий мақсадга мўлжалланган маҳсулотларни яратиш,
ишлаб чиқариш, таъмирлаш ва реализация қилиш
соҳасидаги фаолиятни лицензиялаш
ПАСПОРТИ**

1.	Лицензия номи:	Курол-яроғ ва унинг ўқ-дориларини, ҳимоя воситаларини, ҳарбий техникани, уларнинг эҳтиёт қисмлари, бутловчи қисмлари ва приборларини, агар улардан бошқа тармоқларда фойдаланилмаса, шунингдек, уларни ишлаб чиқариш учун махсус материалларни ва махсус асбоб-ускунани, яратиш, ишлаб чиқариш, таъмирлаш ва реализация қилиш фаолияти учун лицензия
2.	Лицензияланадиган фаолиятнинг кичик турлари:	а) курол-яроғ ва унинг ўқ-дориларини, ҳимоя воситаларини, ҳарбий техникани, уларнинг эҳтиёт қисмлари, бутловчи қисмлари ва приборларини, агар улардан бошқа тармоқларда фойдаланилмаса, шунингдек, уларни ишлаб чиқариш учун махсус материалларни ва махсус асбоб-ускунани яратиш; б) курол-яроғ ва унинг ўқ-дориларини, ҳимоя воситаларини, ҳарбий техникани, уларнинг эҳтиёт қисмлари, бутловчи қисмлари ва приборларини, агар улардан бошқа тармоқларда фойдаланилмаса, шунингдек, уларни ишлаб чиқариш учун махсус материалларни ва махсус асбоб-ускунани ишлаб чиқариш; в) курол-яроғ ва унинг ўқ-дориларини, ҳимоя воситаларини, ҳарбий техникани, уларнинг эҳтиёт қисмлари, бутловчи қисмлари ва приборларини, агар улардан бошқа тармоқларда фойдаланилмаса, шунингдек, уларни ишлаб чиқариш учун махсус материалларни ва махсус асбоб-ускунани таъмирлаш; г) курол-яроғ ва унинг ўқ-дориларини, ҳимоя воситаларини, ҳарбий техникани, уларнинг эҳтиёт қисмлари, бутловчи қисмлари ва приборларини, агар улардан бошқа тармоқларда фойдаланилмаса, шунингдек, уларни ишлаб

		чиқариш учун махсус материалларни ва махсус асбоб-ускунани реализация қилиш.
3.	Ариза берувчилар тоифаси:	Юридик шахслар
4.	Ваколатли орган:	Ўзбекистон Республикаси Мудофаа вазирлиги хузуридаги Мудофаа саноати агентлиги
5.	Лицензияни олиш учун тақдим қилинадиган ҳужжатлар:	<p>а) ариза. Аризада қуйидаги маълумотлар кўрсатилади: юридик шахснинг номи ва ташкилий-ҳуқуқий шакли; солиқ тўловчининг идентификация рақами (СТИР); жойлашган ери (почта манзили); фаолият кўрсатадиган жойи (манзили); банк номи ва ҳисобварағи; мавжуд бўлса – телефон, факс рақами, электрон почта манзили; ариза бериш сабаби (янги лицензия олиш, қайта расмийлаштириш, ўзгартириш); талабгор амалга оширишни мўлжаллаётган лицензияланган фаолият тури;</p> <p>б) лицензия талабгорида технологик синов ускуналари ва ўлчов воситалари, шунингдек, ишлаб чиқариладиган маҳсулотни (кўрсатиладиган хизматлар ва бажариладиган ишлар) техник жиҳатдан тартибга солиш соҳасидаги норматив ҳужжатларнинг мавжудлиги тўғрисида маълумотлар;</p> <p>в) фаолиятнинг лицензияланадиган турини амалга ошириш тахмин қилинаётган объектнинг ёнғин, экология ва санитария хавфсизлиги талабларига мувофиқлиги тўғрисида маълумотлар;</p> <p>г) объектнинг техник жиҳозланганлиги ва Ўзбекистон Республикаси Миллий гвардияси кўриқлаш органларининг техник кўриқлаш марказига (пунктига) уланганлиги тўғрисида маълумотлар;</p> <p>д) ҳужжатлар, материаллар, ярим фабрикатлар ва маҳсулотнинг бутловчи буюмларини (намуналарини) сақлаш ташкил этилганлиги ҳақида маълумотлар.</p>

6.	Аризани кўриб чиқиш учун тўланадиган йиғим миқдори:	Базавий ҳисоблаш миқдорининг 2 баравари
7.	Лицензия берилганлиги учун давлат божи миқдори:	Базавий ҳисоблаш миқдорининг 5 баравари
8.	Аризани кўриб чиқиш муддатлари:	20 кун
9.	Лицензия талаблари шартлари: ва	<p>1. Асосий талаблар ва шартларга қуйидагилар киради:</p> <p>а) юридик шахс шатида 70 фоиздан кам бўлмаган, лицензияланадиган фаолият турига мос касбий маълумотга эга ва ишлаб чиқариш технологиясига мувофиқ белгиланган малака талабларига жавоб берадиган мутахассисларнинг мавжудлиги;</p> <p>б) моддий-техника базаси, бинолар ва иншоотларнинг портлаш ҳамда ёнғин хавфсизлиги нормалари ва талабларига, шунингдек, санитария-гигиена нормаларига мувофиқлиги;</p> <p>в) табиатни муҳофаза қилиш бўйича зарур тадбирларни таъминлаш ва экологик хавфсизлик талабларига риоя этиш;</p> <p>г) фаолиятнинг лицензияланадиган турини амалга ошириш учун зарур ускуналар, қурилмалар ва асбобларнинг мавжудлиги, шунингдек, уларнинг техник хусусиятлари ва ўлчаш аниқлигининг белгиланган талабларга мос келиши;</p> <p>д) фаолиятнинг лицензияланадиган тури амалга оширилиши тахмин қилинаётган объектлар ишончли кўриқланиши, уларни кўриқлаш бўйича жисмоний ва техник тадбирлар ўтказилиши, уларнинг кўриқлаш-ёнғин сигнализацияси ҳамда бошқа техник кўриқлаш воситалари билан жиҳозланганлиги;</p> <p>е) сифат бўйича норматив хужжатлар талабларига мос келувчи бутловчи деталлар ва сарфланадиган материаллардан фойдаланилиши;</p> <p>ж) ишлаб чиқариладиган маҳсулотни (кўрсатиладиган хизматлар ва бажариладиган ишлар) техник жиҳатдан тартибга солиш соҳасида норматив хужжатларнинг мавжудлиги;</p> <p>курол-яроғ ва унинг ўқ-дориларини, химоя воситаларини, ҳарбий техникани, уларнинг эҳтиёт</p>

	<p>қисмлари, бутловчи қисмлари ва приборларини, агар улардан бошқа тармоқларда фойдаланилмаса, шунингдек, уларни ишлаб чиқариш учун махсус материалларни ва махсус асбоб-ускунани яратиш, ишлаб чиқариш, таъмирлаш ва реализация қилиш соҳасидаги фаолиятни давлат сирини ташкил қиладиган маълумотлардан фойдаланган ҳолда амалга оширишда:</p> <p>з) қонунчилик ҳужжатларига мувофиқ махфий иш юритилиши ва объект ички тартибига риоя этилиши;</p> <p>и) ходимларда белгиланган тартибда расмийлаштирилган давлат сирларидан фойдаланиш учун рухсатноманинг мавжудлиги.</p> <p>2. Қўшимча талаблар ва шартларга қўйидагилар киради:</p> <p>а) қурол-яроғ ва унинг ўқ-дориларини, ҳимоя воситаларини, ҳарбий техникани, уларнинг эҳтиёт қисмлари, бутловчи қисмлари ва приборларини, агар улардан бошқа тармоқларда фойдаланилмаса, шунингдек, уларни ишлаб чиқариш учун махсус материалларни ва махсус асбоб-ускунани яратиш соҳасида:</p> <p>конструкторлик бюроси ёки яратиш ишларини амалга оширувчи бўлинманинг мавжудлиги;</p> <p>ҳужжатларни сақлаш шароитларининг мавжудлиги;</p> <p>б) қурол-яроғ ва унинг ўқ-дориларини, ҳимоя воситаларини, ҳарбий техникани, уларнинг эҳтиёт қисмлари, бутловчи қисмлари ва приборларини, агар улардан бошқа тармоқларда фойдаланилмаса, шунингдек, уларни ишлаб чиқариш учун махсус материалларни ва махсус асбоб-ускунани ишлаб чиқариш ва таъмирлаш соҳасида:</p> <p>ҳужжатлар, материаллар, ярим фабрикатлар, маҳсулотнинг бутловчи буюмларини (намуналарини) сақлаш шароитларининг мавжудлиги;</p> <p>ISO 9001 стандарти талабларига мувофиқ ташкил этилган ва фаолият кўрсатувчи сифат менежменти тизимининг мавжудлиги;</p>
--	---

		<p>бajarилaдиган ишлар (кўрсатилaдиган хизматлар) сифат назоратини таъминловчи таркибий бўлинмаларнинг мавжудлиги;</p> <p>ишлаб чиқарилaдиган ва таъмирлaнaдиган маҳсулот назоратини таъминлаш учун тажриба лабораторияси (синов жиҳозлари) ёки тажриба ишларини амалга ошириш учун ихтисослаштирилган ташкилотлар билан тузилган шартноманинг мавжудлиги;</p> <p>саноат хавфсизлиги экспертизаси хулосасининг мавжудлиги (хавфли ишлаб чиқариш объектлари учун);</p> <p>таъмирлашга оид хужжатларнинг мавжудлиги;</p> <p>в) курул-яроғ ва унинг ўқ-дориларини, химоя воситаларини, ҳарбий техникани, уларнинг эҳтиёт қисмлари, бутловчи қисмлари ва приборларини, агар улардан бошқа тармоқларда фойдаланилмаса, шунингдек, уларни ишлаб чиқариш учун махсус материалларни ва махсус асбоб-ускунани реализация қилиш соҳасида:</p> <p>реализация қилинадиган ҳарбий мақсадда фойдаланишга мўлжалланган маҳсулотларни сақлаш учун шароитларнинг мавжудлиги;</p> <p>реализация қилинадиган ҳарбий мақсадда фойдаланишга мўлжалланган маҳсулотларга мувофиқлик (сифат) сертификатларининг мавжудлиги.</p>
10.	Лицензия беришда келишиладиган органлар:	Мавжуд эмас
11.	Лицензиянинг амал қилиш муддати:	Чекланмаган

Ҳарбий мақсадга мўлжалланган маҳсулотлар муомаласи
ҳамда бўшатилаётган ҳарбий-техника воситаларини тугатиш
ва қайта ишлаш соҳасидаги фаолият турларини
лицензиялаш тўғрисидаги низомга
4-илова

**Бўшаётган ҳарбий-техника воситаларини тугатиш
ва қайта ишлаш фаолиятини лицензиялаш
ПАСПОРТИ**

1.	Лицензия номи:	Бўшаётган ҳарбий-техника воситаларини тугатиш (йўқ қилиб ташлаш, утилизация қилиш, кўмиб ташлаш) ва қайта ишлаш фаолияти учун лицензия
2.	Лицензияланадиган фаолиятнинг кичик турлари:	а) бўшаётган ҳарбий-техника воситаларини тугатиш (йўқ қилиб ташлаш, утилизация қилиш, кўмиб ташлаш); б) бўшаётган ҳарбий-техника воситаларини қайта ишлаш.
3.	Ариза берувчилар тоифаси:	Юридик шахслар
4.	Лицензияловчи орган:	Ўзбекистон Республикаси Мудофаа вазирлиги ҳузуридаги Мудофаа саноати агентлиги
5.	Лицензияни олиш учун тақдим қилинадиган ҳужжатлар:	а) Ариза. Аризада қуйидаги маълумотлар кўрсатилади: юридик шахснинг номи ва ташкилий-ҳуқуқий шакли; солиқ тўловчининг идентификация рақами (СТИР); жойлашган ери (почта манзили); фаолият кўрсатадиган жойи (манзили); банк номи ва ҳисобварағи; мавжуд бўлса - телефон, факс рақами, электрон почта манзили; ариза бериш сабаби (янги лицензия олиш, қайта расмийлаштириш, ўзгартириш); талабгор амалга оширишни мўлжаллаётган лицензияланган фаолият тури; б) лицензия талабгорида технологик синов ускуналари ва ўлчов воситалари, шунингдек, ишлаб чиқариладиган маҳсулотни (кўрсатиладиган хизматлар ва бажариладиган ишлар) техник тартибга солиш соҳасидаги норматив ҳужжатларнинг мавжудлиги тўғрисида маълумотлар;

		<p>в) фаолиятнинг лицензияланадиган турини амалга ошириш тахмин қилинаётган объектнинг ёнғин, экология ва санитария хавфсизлиги талабларига мувофиқлиги тўғрисида маълумотлар;</p> <p>г) объектнинг техник жиҳозланганлиги ва Ўзбекистон Республикаси Миллий гвардияси кўриқлаш органларининг техник кўриқлаш марказига (пунктига) уланганлиги тўғрисида маълумотлар;</p> <p>д) қимматбаҳо металлارни ва ҳужжатларни сақлаш учун шароитларнинг мавжудлиги тўғрисида маълумотлар.</p>
6	Аризани кўриб чиқиш учун тўланадиган йиғим миқдори:	Базавий ҳисоблаш миқдорининг 2 баравари
7	Лицензия берилганлиги учун давлат божи миқдори:	Базавий ҳисоблаш миқдорининг 5 баравари
8	Аризани кўриб чиқиш муддатлари:	20 кун
9	Лицензия талаблари шартлари: ва	<p>а) юридик шахс штаида 70 фоиздан кам бўлмаган, лицензияланадиган фаолият турига мос касбий маълумотга эга ва ишлаб чиқариш технологиясига мувофиқ белгиланган малака талабларига жавоб берадиган мутахассисларнинг мавжудлиги;</p> <p>б) моддий-техника базаси, бинолар ва иншоотларнинг портлаш ҳамда ёнғин хавфсизлиги номалари ва талабларига, шунингдек, санитария-гигиена нормаларига мувофиқлиги;</p> <p>в) табиатни муҳофаза қилиш бўйича зарур тадбирларни таъминлаш ва экологик хавфсизлик талабларига риоя этилиши;</p> <p>г) фаолиятнинг лицензияланадиган турини амалга ошириш учун зарур ускуналар, қурилмалар ва асбобларнинг мавжудлиги, шунингдек, уларнинг техник хусусиятлари ва ўлчаш аниқлигининг белгиланган талабларга мос келиши;</p> <p>д) фаолиятнинг лицензияланадиган тури амалга оширилиши тахмин қилинаётган объектлар ишончли кўриқланишининг таъминланиши, уларни кўриқлаш бўйича жисмоний ва техник тадбирлар ўтказилиши, уларни кўриқлаш-ёнғин</p>

		<p>сигнализацияси ҳамда бошқа техник қўриқлаш воситалари билан жиҳозланганлиги;</p> <p>е) сифат бўйича норматив хужжатлар талабларига мос бутловчи деталлар ва сарфланадиган материаллардан фойдаланилиши;</p> <p>ж) қимматбаҳо металларни ва хужжатларни сақлаш учун шароитларнинг мавжудлиги;</p> <p>з) ишлаб чиқариладиган маҳсулотни (кўрсатиладиган хизматлар ва бажариладиган ишлар) техник жиҳатдан тартибга солиш соҳасида норматив хужжатларнинг мавжудлиги;</p> <p>и) Ўзбекистон Республикаси Иқтисодиёт ва молия вазирлиги ҳузуридаги Давлат асиллик даражаси назорати инспекцияси томонидан қимматбаҳо металлар билан ишлаш ҳақида хабарнома олинганлигини тасдиқлаш тўғрисида маълумот мавжудлиги;</p> <p>бўшатилаётган ҳарбий-техника воситаларини тугатиш (йўқ қилиб ташлаш, утилизация қилиш, кўмиб ташлаш) ва қайта ишлаш фаолиятини давлат сирини ташкил қиладиган маълумотлардан фойдаланган ҳолда амалга оширишда:</p> <p>к) қонунчилик хужжатларига мувофиқ махфий иш юритилиши ва объект ички тартибига риоя этилиши;</p> <p>л) ходимларда белгиланган тартибда расмийлаштирилган давлат сирларидан фойдаланиш учун рухсатноманинг мавжудлиги.</p>
10	Лицензия беришда келишиладиган органлар:	Мавжуд эмас
11	Лицензиянинг амал қилиш муддати:	Чекланмаган



Вазирлар Маҳкамасининг
2023 йил “28” _____ ИЮЛ даги 319-сон қарорига
2-илова

Ўзбекистон Республикаси Ҳукуматининг ўз кучини йўқотган деб эътироф этилаётган қарорлари РЎЙХАТИ

1. Вазирлар Маҳкамасининг “Қурул-яроғ ва унинг ўқ-дориларини, химояланиш воситаларини, ҳарбий техникани, уларнинг эҳтиёт қисмлари, бутловчи қисмлари ва приборларини агар улардан бошқа тармоқларда фойдаланилмаса, шунингдек уларни ишлаб чиқариш учун махсус материалларни ва махсус асбоб-ускунани яратиш, ишлаб чиқариш, таъмирлаш ва реализация қилиш соҳасидаги фаолият турларини ҳамда бўшаётган ҳарбий-техника воситаларини тугатиш (йўқ қилиб ташлаш, утилизация қилиш, кўмиб ташлаш) ва қайта ишлаш фаолиятини лицензиялаш тўғрисидаги низомни тасдиқлаш ҳақида” 2018 йил 26 мартдаги 237-сон қарори.
2. Вазирлар Маҳкамасининг “Ўзбекистон Республикаси Ҳукуматининг айрим қарорларига ўзгартиришлар киритиш тўғрисида” 2019 йил 28 декабрдаги 1046-сон қарорига илованинг 205-банди.
3. Вазирлар Маҳкамасининг “Ўзбекистон Республикаси Ҳукуматининг айрим қарорларига ўзгартиришлар киритиш, шунингдек, баъзиларини ўз кучини йўқотган деб ҳисоблаш тўғрисида” 2020 йил 16 июндаги 384-сон қарорига 1-илованинг 28-банди.
4. Вазирлар Маҳкамасининг “Қурул муомаласи соҳасида рухсат бериш тартиб-таомилларини такомиллаштиришга доир қўшимча чора-тадбирлар тўғрисида” 2020 йил 26 декабрдаги 810-сон қарорига 3-илованинг 23-банди.
5. Вазирлар Маҳкамасининг “Давлат хизматлари кўрсатишнинг инфратузилмаси такомиллаштрилганлиги ва аҳолининг давлат хизматларидан фойдаланиш имкониятлари кенгайтирилганлиги муносабати билан Ўзбекистон Республикаси Ҳукуматининг айрим қарорларига ўзгартириш ва қўшимчалар киритиш тўғрисида” 2021 йил 28 октябрдаги 661-сон қарорига илованинг 14-банди.
6. Вазирлар Маҳкамасининг “Аҳоли ва тадбиркорлик субъектларининг давлат хизматларидан фойдланиш имкониятлари кенгайтирилиши муносабати билан Ўзбекистон Республикаси Ҳукуматининг айрим қарорларига ўзгартириш ва қўшимчалар киритиш, шунингдек, баъзиларини ўз кучини йўқотган деб ҳисоблаш тўғрисида” 2021 йил 27 декабрдаги 774-сон қарорига 1-илованинг 28-банди.
7. Вазирлар Маҳкамасининг “Фаолиятни бошлаш ёки тугатиш учун ваколатли органни хабардор қилиш тартиби тўғрисидаги ягона низомни тасдиқлаш ҳақида” 2022 йил 25 февралдаги 88-сон қарорига 4-илованинг 69-банди.